

武定府志
(咸豐)
六

武定府志卷之二十七

列女志

天生蒸民有物有則冠裳與巾幘無二理也郡故
渤海地夙被齊姜孟母之風內則昭垂安常處變
類知廉恥自勵攷之往古按之當今苦貞奇節洵
於風教有關而一二名媛或淑孝之可稱或徽音
之克嗣彤史所書亦足標賢植美其有窮鄉僻壤
見聞未及難免湮沒不彰蘭芳幽谷栢翠空巖凌
霜挺雪之操不獲遺芳名於後世抑亦修方乘者
之罪也闡潛德之幽光更有望於後之君子志列

女

武定府

惠民縣

附郭

元

毛氏與媳胡氏逸其夫名俱棣州人咸有姿色至正
間盜起劫掠村邑二氏被執義不受污各以頭觸
樹血流被面而死詔旌其門曰雙節

阿魯真氏棣州人行省平章普顏不花妻不花守益
都明兵入境力戰而死氏急召家人曰願死義者
隨我來至舍南井則不花之兩弟妻妾子女先溺
其中填塞不可下乃投舍北井其女及妾女孫女

皆隨死

明

李氏許聘高華未嫁華以病卒女聞訃哀泣不食往送葬見華母年老弟榮又幼遂自留不返執婦道事姑以孝聞兼撫榮至成立年八十餘終

閻氏閻景通女少從女師讀女孝經通大義年十九父母相繼歿遺一弟甫四歲同居有叔利其父產欲亟嫁之氏念弟幼失所依輒不從乃盡歸父產以成叔意惟日事組織贍弟弟長爲畢姻始適州人殷旺人以女中丈夫稱之年九十一卒以子衡

貴贈安人

城南女子逸其姓氏饒有容色正德中流賊犯武定
女子避匿柴叢下賊搜獲之欲加汙怒罵不絕口
賊恚甚斫其頸血上出濺於門屏閱百餘年鮮色
瑩徹如初

曾氏年十七適杜乾甫兩載而乾卒遺一子未晬曾
哭曰不幸夫亡賴有藐孤延一綫吾且緩死未幾
兒亦亡曾乃晨夜號泣絕飲食家人憐之引過夫
墓及亡兒埋處周以洩其悲曾還自亡兒所遙見
其家樓上一人作招呼狀曾瞽視爲乾亟返登樓

覓之杳無人踪卽哽咽不能語次日氣絕而終

劉氏生員江樓妻年十九樓亡生遺腹子江燦撫養成立補州庠生未幾病卒氏惇子無依日不聊生而貞操愈勵

高氏千戶王仲元妻年二十五仲元卒守節七十年建坊旌表

邢氏名慈靜臨邑人博學善屬文詩有清致書畫俱稱絕品與兄侗齊名適武定馬拯從夫之貴州方伯任會苗亂拯盡瘁而死氏慟絕復甦護喪歸與夫櫬同舟江湖風險輒拊柩大號曰柩存與存柩

亡與亡耳抵里赴闕疏夫勞績得贈祭

史氏樂陵人提學副使高先女年十五適武定廩生
袁聲越五載而聲卒止一女舅御史化中以劾魏
瑞繫獄氏脫簪珥爲完所誣賊姑王淑人客死中
州又易宅營葬以侄繼夫嗣一門三代生事死葬
廟祀以延直指旌之復給餼焉

宋氏知縣陳誌妻傅氏誌側室從夫之鹽山任崇禎
十二年邑被兵誌死於難二夫人皆死之

于氏庠生陳舜階妻崇禎十六年州城陷氏被執厲
聲叱罵兵刃橫加受害極爲慘苦

石氏通判袁勳妻明末勳署澠池縣篆流寇陷城罵賊遇害氏及子祝並不屈死祝妻馬氏家居子廉在襁褓撫孤成立入州庠迎櫬歸葬

王氏俎多聞繼室崇禎癸未州城陷自經而死

王氏劉瀚妻瀚以守城死氏與媳胡氏同時殉難

國朝

王氏適生員傅聖瑞未二旬而寡子女俱無矢死不
二奉孀姑益謹撫孤侄猶已出教之向學兩侄俱
入泮守節六十年傅氏一門老幼存亡多賴之

胡氏生員王秉權妻秉權死氏撫棺慟哭絕而復甦

者數次姑善諭之曰汝欲從夫泉下奈此呱呱兒
何乃閉戶紡績事姑課子勤勞罔懈後子履吉弱
冠入庠

李氏大學士之芳妹年十八適生員傅作哲數載夫
亡無子女貞潔自守勤織紝以奉舅姑夫有幼弟
撫養教誨得補庠生後育猶子喜曰吾夫有後矣
立以爲嗣

劉氏舉人馮應晉繼室應晉卒守志撫孤壽登百歲
子孫科第不絕

王氏李毓清妻于歸三月而夫卒時姑年老氏事之

惟謹及姑亡乃不食死

李氏大學士之芳女適太學生馮雲襄事舅姑以孝聞越數歲雲襄死氏哀惋不已觸柱顛破血流被面至親百方勸諭閉目若無聞者絕食五日赴夫之柩前而卒康熙年旌表

石氏適于某僅五月歸甯值麥登場午餉衆皆就食氏以守麥獨坐場內有惡少某挑之氏恥陌上之辱斂容入幃辭親就組一慟而絕

閻氏女父母無子止此女年及笄欲嫁之女曰父母老矣吾適人誰侍養者誓不字晝夜織紵爲菽水

武定府志 卷二十一 五
資親沒經營葬具皆倚績紡以辦壽九十終族人
義之葬其父母旁迄今有閻氏貞女墓

吳氏崔祥宇妻年二十二祥宇爲流寇所害越四十
餘日生子連登氏嘗抱連登避兵於宅後桑樹下
二三晝夜不得食苦節數十年後連登成立家業漸
盛享壽九十二歲

殷氏張桐妻年未三十而寡子運泰甫六歲守志撫
孤備嘗艱苦事姑丁氏尤以孝聞迨運泰長娶婦
始弛井曰然奉姑飲食猶必手自滌灑之蔬菓登
卽令運泰市鬻以供節孝醇備壽九十三而終

李氏庠生劉澍妻年十八夫亡恥再醮組紕自給壽
登八旬終始如一日

許氏劉小來妻家貧乞食以養親有無賴子欺其懦
誘而鍵之空室中啟戶則縊死矣

李氏年十七適趙承業數月夫亡守貞不嫁孝事其
姑以夫兄次子爲嗣撫如已出後以壽終

劉氏庠生孫茂魁妻年十八夫亡守節繼姑嚴厲氏
起敬起孝卒以孝稱茹荼教子壽踰九旬州守俞
灝表其門曰冰霜婉潔

閻氏姚一衢妻順治間一衢家被盜驚悸而死長子

方七歲次子僅六月氏痛夫死非命誓欲報讐抱
孤兒赴京控愬卒獲眾盜依律定罪氏苦節自守
事姑教子壽至九十六歲

劉氏薛香妻貞潔自守不苟言笑年十九歸甯有強
暴王恭要於路以褻語戲之劉怒詈回家羞忿自
縊奉

旨表其墓

馬氏陽信人適武定庠生張錫禎錫禎遊楚歸遇盜
於江爲所害氏守遺腹子起撫養教誨弱冠入泮
食餼苦節五十年孫潤源俱有文名

馮氏張謙妻年二十夫亡守節苦志不渝

劉氏張婁文妻夫卒無子夫兄虎文產男庸氏以爲

己子撫育逾於所生篝燈蓄鐸以課誦讀後庸膺

康熙辛卯鄉薦奉文旌表

崔氏幼許字郡世家李振麟振麟以兄變逮獄禍甚
烈親戚皆遠之恐波及也氏告父母曰兒且歸矣
勿我止言極急切父母知不可留倉皇于歸親操
井曰獄內饗殮拮据而辦振麟卒脫於難

何氏自幼許聘王甫泰忽甫泰中瘋殘廢甫泰之父
請退婚氏聞嚙指血出誓不改適及笄結褵未踰

年而甫泰死立兄子純儒爲嗣壽至九十九歲

王氏李化鵬妻年二十一夫卒遺孤遵祖順祖氏奉
姑訓子孝慈兼至後孫曾蕃衍四世一堂壽九十
六歲

李氏知縣之藻女年十七適高永元未二載夫亡無
子繼侄璟爲嗣教養備至及長入泮未幾璟亦卒
媳李氏年十九合志完貞克盡婦道康熙年旌
表

何氏高賜冕妻崇禎癸未州城陷氏年十九于歸甫
踰月而夫亡于難生遺腹子克聖訓撫成立列邑

庠孫曾蕃衍五世一堂人以爲貞報云

何氏李渤培妻

徐氏張子榮妻

雷氏高天資妻

耿氏李子官妻

馮氏楊大才妻以上事實未詳俱夫亡守節康熙年

旌表

王氏主事篤慶女適翰林李姓麟性至孝繼姑劉嬰
痼疾氏和藥捧膳躬自執勞竟日終宵至忘寢食
歷七年無怠倦及病劇跪禱神前割股手自烹藥
以進病良已溫陵陳萬策爲立傳

張氏生員李珣妻年二十四夫故子亮甫三歲撫訓